

广东通志

广东通志

廣東通志卷一百九十四

甲子重刊

藝文畧六

子部

千秋金鑑錄五卷

唐張九齡撰

見唐志其書已佚偽本存曲江集進金鑑錄表曰臣九齡言伏見千秋節日王公以下悉以金寶鏡進獻誠貢尚之尤也臣愚以謂明鏡所以鑑形者也有善惡則省之於內故皇帝鏡銘云以心者也有善惡則省之於內故皇帝鏡銘云以鏡自照見形容以人自照見吉凶又古人云前事之不遠後事之元龜元龜亦猶鏡也伏惟開元神武皇帝陛下聖德之至動與天合本已全於道體固不假於事鑑然覆載廣大無所不包聖道冲虛有來皆應臣敢緣此義謹於生辰節上事鑑十章分為五卷名曰千秋金鑑錄雖見聞褊淺所識不深至於區區效愚其庶乎萬一不勝悃欵之至謹言

欽定四庫

全書提要舊本題唐張九齡撰案王士正皇華紀聞曰隆慶間曲江刻張文獻千秋金鑑錄一卷又偽撰序表平湖陸世楷為南雄守著論辨

之此等謬偽凡畧識之無者亦不肯爲而粵中
新刻曲江文集竟收入故孝山謂急應火其書
碎其板云云今此書序中所謂非吾子孫不得
記錄非人而傳必遭刑憲少學則素衣之人爲
上達不學則赭衣之人爲白土此錄一千年後
方許流布諸語皆與世楷所指駁者合士正又
言別有金鑑錄一册乃嘉靖間文獻裔孫張希
祖所撰康熙甲辰曲江合凌作聖重刊士正所
摘謬妄不經之處如安祿山爲野豬之精史思
明爲鷓鴣鳥之精楊貴妃爲白鵲之精又立子旦
爲相王武后太子先爲中宗皇后廢之又名哲
宗又蜀州司戶楊元琬女爲上子壽王妃今上
寵之賜名楊貴妃又宮室未委肅宗也諸語今
亦皆在錄中則兩本亦大概畧同也未一章預
作識語言及狄青諸人尤爲妖妄蓋粗識字而
不通文理者所爲本不足存以其出於九齡之
子孫恐惑流俗故存而
關之俾無焚衆聽焉

先天太極論

宋蘇軾撰

見劉後村集

謹案克莊跋稱潮士不知其為何縣人也

壹教十五卷

宋梁觀國撰

見粵大記

自警編九卷

宋趙善璚撰

欽定四庫

全書提要善璚太宗七世孫家于南海端平中

嘗知江州其書乃編次宋代名臣大儒嘉言懿

行之可為法則者凡學問類子曰三操修類子

目十二齊家類子曰四接物類子曰七出處類

子目五事君類子曰十一政事類子曰十七拾

遺類子曰二共八類五十五目蓋亦仿言行錄

之體而少變其義例者也善璚生南宋之季而

所載至靖康而止其後惟朱子議論間為採入

其餘多不甄錄固由時代相接難於棄取亦以

宋時士大夫風俗淳厚惟汴都為極盛南渡而

還門戶立而黨局生議論繁而實意減非復先

民篤厚之風故獨臚陳舊德以示斷限歟雖所

列悉人所習聞而縷析條分便于省覽其財賦

門兵門及拾遺一類則並及於王人儉夫用垂

炯戒亦當時士大夫之藥石矣原本各者所引
書名今多佚脫蓋傳刻者失之諸本并同亦姑
仍其舊焉

理學簡言

宋區仕衡撰

順德縣志仕衡字邦銓涪祐鄉貢入太學慷慨
有智畧景定中上書論賈似道誤國不報德祐
二年端宗幸閩廣衡陳恢復策亦不見用歸講
學九峯書院學者稱九峯先生著有理學簡言
九峯集

正論模楷二卷

宋梁文奎撰

黃志有尹耕序曰余讀正論模楷而竊嘆癡
洛關閩真傳流垂嶺表又未嘗不惜其僅託空
言而未見諸政事也

近思錄

宋陳庚撰

見東莞
周志

儒林一覽

明林茂森撰

粵大記茂森字良材臨高人
永樂辛卯鄉薦任武宣教諭

性理膚說四卷

明何述撰

廣州府志述字宗道新會人天順壬午舉人官
柳州教授著有性理膚說四卷漁樵子漫稿二
卷

皇極經世書傳八卷

明黃畿撰

欽定四庫

全書提要畿黃佐父也是書有佐附記曰皇極

經世未有全書先君得諸道藏手自錄之今性

理所載乃蔡西山指要非其全也祝泌氏鈐以

泰為元六十四卦皆用四爻與邵子異矣廖應

淮元元集從之惟朱隱老始宗本旨為之說然

未盡也先君自成化乙巳隱居粵洲草堂始悟

氣以六變體以四分用九則三十六宮用六則

二十四閏聲音律呂圓唱方和而後乾坤坎離

用焉天地萬物之理貫於一矣又稱凡所註釋

有未備者佐附以膚見則推步也年月日時分

秒書夜進退積成一元消長則命算工補其闕焉然則是書佐所續成也又稱畿有自序此本無之殆傳寫佚脫矣

三五元書二十五卷 明黃畿撰未見

黃志有

陳白沙言行錄十卷附錄二卷 不著撰人未見

見明志

白鑑錄 明楊傳芳撰未見

粵大記傳芳字體信起元父著白鑑錄嘗手錄性理通鑑刪煩舉要及采經史先儒格言三字為類者曰三字經四字為類者曰四字經

陽教書陰教書 明葉崑撰佚

粵大記崑字允中歸善人諸生作大學解又著陽教書以訓男陰教書以訓女

大學衍義補一百六十卷

明邱濬撰

濬自序曰臣惟大學一書儒者全體大用之學也原於一人之心該夫萬事之理而關係乎億兆人民之生其本在乎身也其則在乎家也其功用極於天下之大也聖人立之以爲教人君本之以爲治士子業之以爲學而用以輔君是蓋六經之總要萬世之大典二帝三王以來傳心經世之遺法也孔子承帝王之傳以開百世儒教之宗其所以立教垂世之道爲文二百有五言又分釋其義以爲大學一篇漢儒雜之禮記中至宋河南程顥兄弟始表章之新安朱熹爲之章句或問建安真德秀又剟取經傳子史之言以填實之各因其言以推廣其義名曰大學衍義獻之時君以端出治之本以立爲治之則將以垂之後世以爲君天下者之律令格式也然則其所衍者止於格物致知誠意正心修身齊家蓋卽人君所切近者而言欲其舉此而措之於國家天下耳臣竊以謂儒者之學有體有用體雖本於一理用則散乎萬事要必析之極其精而不亂然後合之盡其大而無餘是以大學之先旣舉其綱領之大復列其條目之詳

而其條目之中又各有條理節目者焉其序不可亂其功不可闕闕其一功則少一事欠其一節則不足以成其用之大而體之爲體亦有所不全矣然用之所以爲大者非合衆小又豈能以成之哉是知大也者小之積也譬則綱焉網固不止乎一目然一目或解則網有不張譬則室焉室固不止乎一椽然一椽或虧則室有不足具此臣所不揆愚陋竊仿真氏所衍之義而于齊家之下又補以治國平天下之要也其爲目凡十有二曰正朝廷其目六曰正百官其目十有一曰固邦本其目十有一曰制國用其目十有一曰明禮樂其目六曰秩祭祀其目七曰敷教化其目十有一曰備規制其目十有六曰慎刑憲其目十有四曰嚴武備其目十有六曰馭夷狄其目九曰成化功其目一先其本而後末由乎內以及外而終歸于聖神功化之極所以該本末合內外以成夫全體大用之極功也真氏前書本之身家以達之天下臣此編則又將以致夫治平之效以收夫格致誠正修齊之功因其所餘而推廣之補其畧以成其全故題其書曰大學衍義補云非敢並駕先賢以犯不韙之罪也臣嘗讀真氏之序有曰爲人君者不可

以不知大學爲人臣者不可以不知大學而繼之以爲人君而不知大學無以清出治之源爲人臣而不知大學無以盡正君之法是蓋就其本體而言爾若卽其功用而究竟之君臣所當知者則固有在也粵自古昔聖賢爲學之道帝王爲治之序皆必先知而後行知之必明其義行之必舉其要是以欲行其要者必先知其義苟不知其義之所安能得其要而行之哉故臣之此編始而學之則爲格物致知之方終而行之則爲治國平天下之要宮闕高深不出殿廷而得以知夫邑里邊鄙之情狀草澤幽遐不履城闕而得以知夫朝廷官府之政務非獨舉其要資出治者以御世撫民之具亦所以明其義廣正君者以輔世澤民之術前書主于理而此則主乎事真氏所述者雖皆前言往事而實專主于啟發當代之君臣之心此編校之前書文雖不煩意則貫通第文兼雅俗事雜儒吏其意蓋主于衆人易曉而今日可行所引之事類多重復所修之辭不能雅馴弗暇計也臣遠方下土叨官禁近當先皇帝在御之日首開經筵卽綴班行之末親觀儒臣以真氏之書進講陛下毓德青宮又見宮臣之執經者日以是書進焉

欽定四庫

臣于是時蓋已有志於是既而出敎大學暇日因採六經諸史百氏之言彙輯十年僅成此書用以補真氏之闕也繕寫適完而陛下嗣登大寶若有待焉者臣學不足以適用文不足以達意偶因所見而妄有所陳區區一得之愚固無足取而慘慘一念之忠儻爲聖明所不棄焉未必無少補於初政之萬一

全書提要濬以宋真德秀大學衍義止于格致誠正修齊而闕治國平天下之事雖所著讀書乙記採錄史事稱爲是書之下編然多錄名臣事蹟無與政典又草創未完乃採經傳子史輯成是書附以已見分爲十有二目於孝宗初奏上之有詔嘉獎命錄副本付書坊刊行濬又自言衍義補所載皆可見之行事請摘其要者下內閣議行帝報可至神宗復命倅行親爲製序蓋皆甚重其書也持濬聞見甚富議論不能甚醇故王鏊震澤紀聞稱其學問該洽尤熟於國家掌故議論高奇務于矯俗能以辨博濟其說如譏范仲淹多事秦檜有再造功評騭皆乖正理又力主舉行海運平時屢以爲言此書更力申其說所列從前海運平時屢以爲言此書更力運之資即可抵洋面漂亡之粟似乎言之成理

然一舟覆沒舟人不下百餘糧可抵以轉輸之
費人命以何為抵乎其後萬恭著議謂為有大
害而無微利至以好事斥之非苛論也又明之
中葉正閭宦恣肆之時濬既欲陳誨納忠則此
條尤屬書中要旨乃獨無一語及宦寺張志宣
南園漫錄詆其有所避而不書殆亦深窺其隱
以視真氏原書殊未免瑕瑜互見然治平之道
其理雖具於修齊其事則各有制置此猶土可
生禾禾可生穀穀可為米米可為飯本屬相因
然土不耕則禾不長禾不穫則穀不登穀不舂
則米不成米不炊則飯不熟不能遞溯其本謂
上可為飯也真氏原本實屬闕遺濬博綜旁搜
以補所未備兼資體用實足以羽翼而行且濬
學本淹通又習知舊典故所條列元元本本貫
串古今亦復具有根柢其人雖
不足重其書要不為無用也

朱子學的二卷

明邱濬撰

欽定四庫全書提要上卷分下學持敬窮理情蘊須
看鞭策進德道在天德章齋等十篇下卷分上
達古者此學仁禮為治紀綱聖人前輩斯文道
統等十篇蔡衍錕序曰上編自下學以至天德

由事而達理而終之以章齋所以紀朱子之生平言行猶論語之鄉黨也下編自上達以至斯文由理而散事而終之以道統所以紀濂洛關閩之學之所由來猶論語之有堯曰也然濬關朱子之言以示學者即仿朱子編近思錄小學之體足矣何必摹擬論語使之貌似聖人况揚雄王通之是編經朱子嘗深譏之濬之是編豈朱所樂受乎

晦菴學驗一卷

明林光撰
未見

黃志有

白沙遺言纂要十卷

明張詡撰
有

欽定四庫全書提要編採獻章白沙文集中語仿南軒傳道粹言例分為十類以闡新會之本旨獻章之學當時胡居仁章懋等皆以為禪詡溺禪尤深即獻章亦頗訾之畧見于羅欽順湛若水問答書中云

東峯語錄

明陳庸撰
未見

廣州府志庸字秉常南海人成化甲午舉人

心性學宗

明陳則撰

南海縣志則字養新南海人宏治辛酉舉人官至光祿寺少卿致仕杜門講學閩粵士多歸之梁文康顏其堂曰心性

古文小學六卷

明湛若水撰

見明志甘泉文集若水進古文小學疏畧臣聞小學者大學之本而作聖之基也是以古之君子重之而聖王務焉夫大學者大人之學也即經之所謂格物致知誠意正心修身齊家治國平天下是也小學者小子之學也即朱子序文所謂灑掃應對進退之節事親敬長隆師親友之道禮樂射御書數之文是也小子可以服行而習之者也若今所傳朱子小學之書立教明倫敬身三篇與前序所言不同臣不自揣於居山時常依朱子序文本意采其散見於禮記者輯為古文小學一書首之以蒙養次而灑掃而應對而進退而事親敬長而隆師親友而禮

樂射御書數凡七篇皆古
文也因爲之集訓云云

聖學格物通一百卷
明湛若水撰

欽定四庫

全書提要是篇乃嘉靖七年若水任南京禮部

侍郎時所進體例畧仿大學衍義以致知統於

格物而以格物統貫誠意正心修身齊家治國

平天下六條凡誠意格十七卷分審幾立志謀

慮感應儆戒敬天敬祖考畏民八子目正心格

三卷無子目修身格九卷分正威儀慎言語進

德業三子目齊家格十三卷分謹妃匹正嫡庶

事親長養太子嚴內外恤孤幼御臣妾七子目

治國格十四卷分事君使臣立教興化事長慈

幼使衆臨民正朝廷正百官正萬民七子目平

天下格四十四卷分公好惡用人理財三子目

而用人之中又分學校舉錯課功任相任將六

官六目理財之中又分修虞衡抑浮末飭百工

屯田馬政漕運勸課禁奪時省國費慎賞賜蠲

租薄歛恤窮賑濟十四目皆雜引諸儒之言參

以明之祖訓而各以己意發明之大致與邱濬

大學衍義補相近而濬書多徵舊事以爲法戒

之資此書多引前言以爲講習之助二書相輔

之資此書多引前言以爲講習之助二書相輔

而行均於治道有裨者也

白沙子古詩教解二卷

明湛若水注

心性書

明湛若水撰

欽定四庫全書提要

是書前列心性圖圖後有說復集心性通三十五章附其門人黃民準鍾景星周學

又著或問數十條以發明蓋欲仿周子太極圖

說通書也

遵道錄八卷

明湛若水撰

欽定四庫全書提要

所輯皆明道程子之說其曰遵道者

必建書院以祀獻章初與王守仁同講學後各

立宗旨守仁以致良知為宗若水以隨處體認

天理為宗守仁言若水之學求之於外若水亦

謂守仁格致之說不可信者四學者遂分王湛

之學若水得力于獻章每教人靜坐其學灑然